



**MEMORIA XUSTIFICATIVA DA ADDENDA DE PRÓRROGA E MODIFICACIÓN AO CONVENIO ENTRE O MINISTERIO DA PRESIDENCIA, XUSTIZA E RELACIÓNS COAS CORTES E AS COMUNIDADES AUTÓNOMAS CON TRASPASO DE FUNCIÓNS EN MATERIA DE PROVISIÓN DE MEDIOS PERSOAIS E ECONÓMICOS PARA O FUNCIONAMENTO DA ADMINISTRACIÓN DE XUSTIZA PARA ESTABLECER O SISTEMA DE REPRESENTACIÓN DAS COMUNIDADES AUTÓNOMAS NO CONSELLO ASESOR DE ASISTENCIA ÁS VÍTIMAS.**

A Consellería de Presidencia, Xustiza e Deportes é o órgano da Administración autonómica que ten atribuído o exercicio das competencias en materia de dotación de medios persoais, económicos e materiais ao servizo da Administración de Xustiza, á promoción e o desenvolvemento do dereito civil de Galicia, á demarcación e planta xudicial, notarial e rexistral, e ao acceso da cidadanía á xustiza en igualdade de oportunidades. No exercicio das súas competencias, correspóndelle as relacións ordinarias cos órganos do poder xudicial, Ministerio de Xustiza e coas demais institucións relacionadas co ámbito xurisdiccional, tal e como establece o Decreto 136/2024, do 20 de maio, polo que se establece a estrutura orgánica da e Consellería de Presidencia, Xustiza e Deportes.

A Lei 35/1995, do 11 de decembro, de axudas e asistencia ás vítimas de delitos violentos e contra a liberdade sexual, pon a súa atención na persoa da vítima, reclamando unha intervención positiva do Estado dirixida a restaurar a situación en que se atopaba antes de padecer o delito ou polo menos a paliar os efectos que o delito produciu sobre ela. No seu artigo 16 establece que se procederá á implantación das Oficinas de Asistencia ás Vítimas, que se constitúen como unidades dependentes do Ministerio de Justicia ou, no seu caso, das comunidades autónomas con competencias asumidas sobre a materia, que analizan as necesidades asistenciais e de protección das vítimas, e que estarán integradas por persoal ao servizo da Administración de Xustiza, psicólogos e psicólogas ou calquera persoa técnica que se considere necesaria para a prestación do servizo. Con iso fíxase un marco asistencial mínimo para a prestación dun servizo público en condicións de igualdade en todo o Estado, e para a garantía e protección dos dereitos das vítimas, sen prexuízo das especialidades organizativas das Oficinas segundo a normativa estatal ou autonómica que lles resulte de aplicación.

A Lei 4/2015, do 27 de abril, do Estatuto da vítima do delito, traspón a Directiva 2012/29/UE do Parlamento Europeo e do Consello do 25 de outubro de 2012, e pola que se substitúe a

Dirección Xeral de Xustiza  
R/ Madrid 2-4, 2ª planta  
15781 Santiago de Compostela





Decisión marco 2001/220/JAI do Consello pretende, partindo do recoñecemento da dignidade das vítimas, a defensa dos seus bens materiais e morais e, con iso, os do conxunto da sociedade.

Na devandita Lei establécense normas mínimas sobre os dereitos, o apoio e a protección das vítimas de delitos require o desenvolvemento dalgunhas das previsións recollidas no citado Estatuto, en aras a garantir a efectividade dos dereitos que nel se recollen, así como unha regulación das Oficinas de Asistencia ás Vítimas. Ademais, os dereitos que recolle a Lei son de aplicación a todas as vítimas de delitos ocorridos en España ou que poidan ser perseguidos en España, con independencia da nacionalidade da vítima ou de se gozan ou non de residencia legal.

Pola súa banda o Real Decreto 1109/2015, do 11 de decembro, polo que se desenvolve a Lei 4/2015, do 27 de abril, do Estatuto da vítima do delito e régulanse as Oficinas de Asistencia ás Vítimas do Delito, normaliza a actuación das Oficinas de Asistencia ás Vítimas, en atención aos dereitos recolleitos na normativa europea e no Estatuto da vítima do delito. No mesmo ínstase ás Administracións Públicas a aprobar e fomentar o desenvolvemento de protocolos de actuación e de procedementos de coordinación e colaboración, nos que tamén terán participación as asociacións e colectivos de protección das vítimas. No artigo 10 de devandito Real Decreto prevese a creación do Consello Asesor de Asistencia ás Vítimas, con carácter de órgano consultivo con ampla representación e adscrito á Dirección Xeral de Relacións coa Administración de Xustiza do Ministerio de Justicia. Este Consello Asesor terá distintas funcións para velar polo respecto dos dereitos das vítimas e o bo funcionamento do sistema de asistencia. Co asesoramento deste Consello, o Ministerio de Xustiza poderá levar a cabo a avaliación periódica do sistema de asistencia ás vítimas, e propoñer, a través do Consello de Ministros, as medidas e reformas que sexan necesarias para a mellor protección das vítimas.

**Antecedentes:** O 13 de novembro de 2021 asinouse o Convenio entre o Ministerio de Xustiza e as Comunidades Autónomas con traspaso de funcións en materia de provisión de medios materiais e económicos para o funcionamento da Administración de Xustiza para establecer o sistema de representación das Comunidades Autónomas no Consello Asesor de Asistencia ás Vítimas, que tiña por obxecto establecer o sistema de representación das Comunidades Autónomas, con traspasos de medios persoais e materiais ao servizo da

[Dirección Xeral de Xustiza](#)  
[R/ Madrid 2-4, 2ª planta](#)  
[15781 Santiago de Compostela](#)





Administración de Xustiza, no Consello Asesor de Asistencia ás Víctimas, de conformidade co previsto no artigo 10.2, apartado b), do Real Decreto 1109/2015, do 11 de decembro, polo que se desenvolve a Lei 4/2015, do 27 de abril, do Estatuto da vítima do delito, e regúlase as Oficinas de Asistencia ás Víctimas do Delito. A cláusula terceira do citado convenio establece os efectos do mesmo cunha duración de 4 anos naturais, a partir do día da súa firma, sendo prorrogable ao seu termo mediante a firma dunha addenda por igual período.

**Finalidade:** Esta Addenda que se pretende formalizar ten como obxecto manter o sistema de representación das Comunidades Autónomas acordado e adaptalo ás reformas lexislativas.

O convenio non implica contraprestación económica algunha para as partes.

Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, do 8 de novembro, de contratos do sector público, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, na data da sinatura dixital.  
O director xeral de xustiza  
José Tronchoni Albert

